

MEMORIA XUSTIFICATIVA

Francisca Gómez Santos, secretaria xeral técnica da Consellería de Política Social, **DECLARA:**

Que esta Consellería de Política Social, formalizou un Convenio de cooperación educativa entre a Consellería e a Universidade de Santiago de Compostela, para a realización de prácticas académicas externas do estudantado da Universidade de Santiago de Compostela.

Na nova ordenación das ensinanzas universitarias oficiais, introducida por exixencias do proceso de construción do Espazo Europeo de Educación Superior coa Lei Orgánica 4/2007, de 12 de abril, pola que se modifica a Lei Orgánica 6/2001, de 21 de decembro, de Universidades, e desenvolvida polo Real Decreto 1393/2007, de 29 de outubro, polo que se establece a ordenación das ensinanzas universitarias oficiais, púxose unha especial énfase na realización de prácticas externas polos estudantes universitarios, previndo que os plans de estudos de Grao conterán «toda a formación teórica e práctica que o estudante deba adquirir», entre a que se mencionan «as prácticas externas» (artigo 12.2), e que «si se programan prácticas externas, estas terán unha extensión máxima de 60 créditos e deberán ofrecerse preferentemente na segunda metade do plan de estudos» (artigo 12.6).

Neste mesmo senso, o Estatuto do Estudiante Universitario, aprobado por Real Decreto 1791/2010, de 30 de decembro, recoñece no seu artigo 8 o dereito dos estudantes de Grao a «dispor da posibilidade de realización de prácticas, curriculares ou extracurriculares, que porán realizarse en entidades externas e nos centros, estruturas ou servizos da Universidade, segundo a modalidade prevista e garantindo que sirvan á finalidade formativa das mesmas» (apartado f) e a «contar con tutela efectiva, académica e profesional (...) nas prácticas externas que se prevexan no plan de estudos» (apartado g).

Con maior detalle, o artigo 24 deste Estatuto regula as prácticas académicas externas, as súas clases e as súas características xerais, así como a extensión da súa realización a todos os estudantes matriculados en calquera ensinanza impartida polas universidades ou centros adscritos as mesmas.

Aos efectos de desenvolver a regulación das referidas prácticas académicas externas aprobouse o Real Decreto 592/2014, de 11 de xullo, polo que se regulan as prácticas académicas externas dos estudantes universitarios, o cal constitúe a norma básica na materia. As prácticas académicas externas constitúen unha actividade de natureza formativa realizada polos estudantes universitarios e supervisada polas universidades, cuxo obxectivo é permitir aos mesmos aplicar e complementar os coñecementos adquiridos na súa formación académica, favorecendo a adquisición de competencias que lles preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

No artigo 7 de referido Real decreto, establece que para a realización das ditas prácticas externas, as universidades e, no seu caso, as entidades xestoras de prácticas a elas vinculadas, suscribíanse convenios de cooperación con entidades colaboradoras previstas no seu artigo 2.2, entre elas as entidades públicas. Os ditos instrumentos de cooperación configúranse como o marco regulador das relacións entre o estudante, a entidade colaboradora e a universidade e, no seu caso, a referida entidade xestora das prácticas, establecendo o dito Real decreto, as estipulacións que os deban integrar.

Consonte o exposto, o 5 de abril de 2018, asínase un convenio de cooperación entre a Consellería de Política Social e a Universidade de Santiago de Compostela para a realización de prácticas académicas





externas por parte dos alumnos da dita Universidade en diversos centros e dependencias da Consellería, tanto curriculares como extracurriculares.

Os estudantes en prácticas non están a recibir ningunha contraprestación económica por parte da Consellería.

A vixencia comprende catro anos a contar dende a data da súa sinatura, podendo ser prorrogado por outro prazo igual ao establecido de xeito inicial.

O convenio aplicase inicialmente a unha serie de titulacións directamente vinculadas cos eidos materiais competencia da Consellería:

Grao en Mestre ou Mestra de Educación Infantil
Grao en Mestre ou Mestra de Educación Primaria
Grao en Educación Social
Grao en Pedagogía
Grao en Traballo Social
Grao en Óptica e Optometría
Grao en Psicoloxía
Máster Universitario en Psicoloxía Xeral Sanitaria
Máster Universitario en Psicoxerontoloxía
Máster Universitario en Psicoloxía Educativa: Desenvolvemento e Aprendizaxe
Máster Universitario en Procesos de Formación
Máster Universitario en Igualdade, Xénero e Educación
Máster Universitario en Dirección de Actividades Educativas na Natureza
Máster Universitario en Servizos Culturais
Máster Universitario en Optometría

Na súa cláusula primeira, establece a posibilidade de ampliarse en relación a outras titulacións que garden relación coas prestacións competencia da Consellería de Política Social.

Polo exposto, no marco do disposto no artigo 7 do Decreto 592/2014, de 11 de xullo, e os intereses converxentes das partes asinantes para a realización dos obxectivos formativos do estudantado que exclúe a consecución dun lucro polas partes asinantes, xustifica a exclusión do instrumento contractual nos termos da Lei 9/2017, do 8 de novembro, de contratos do sector público, polo que se traspoñen ao ordenamento xurídico español ás Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

En atención ao indicado, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, motivase a natureza do instrumento convencional coa exclusión doutras figuras.

E para que conste, asíñase esta memoria, en Santiago de Compostela na data da sinatura dixital.

A secretaria xeral técnica

María Francisca Gómez Santos

